



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

§. XXV. Contumacia aliorum aut expugnata, aut punica.

[urn:nbn:de:hbz:466:1-47773](http://urn.nbn.de/hbz:466:1-47773)

§. XXV.

Contumacia aliorum aut expugnata, aut punita.

A autem fuit seminarum nonnullarum obstinata malitia, ut Sacrae Expeditionis tempore, ne ad pacem redintegrandam inducerentur, domi suae se abderent, non januis tantum, sed & fenestris obseratis, ut aliò profectae viderentur. Industria tamen P. Pauli caritas modum invenit in ea receptacula penetrandi, & extinctis totâ sacræ eloquentiæ vi flammis, iraque, quibus æstuabant, agnis propè ipsis reddidit mansuetiores. Sæpius jussas tantum genua humi ponere, aut manu capitibus earum impositâ, sic immutavit, tantum sinceræ virtutis afflavit, ut cum sanguinem adhuc occisorum filiorum cadavera, nondum terræ mandata, stillarent, cædium tamen Authores convivio adhiberent, illasque ipsas dexteras oscularenrur, quæ paricidale ferrum strinxerant. Prodigiosorum ejusmodi evenitum plures centenis numerari possent; quos tamen, ne fastidium lectori pariant, volentes prætermittimus. Et verò illud à multis animadversum est, non constare, quod ulla pax ac concordia à P. Paulo stabilita, subinde iterum mutata fuerit discordiâ, quod profectò ingens opus est divinæ miserationis per hoc suum instrumentum operantis. Nec tamen affirmare est animus, nullos unquam inventos esse animos tam duros, tamque contumaces, ut omnem in iis operam hortando, & sanguinem fundeudo optimus Pater perdiderit: sed his plerumque caro stetit sua obstinatio. Unus eorum aliquis, qui omnem ardentissimæ & operosissimæ caritatis industriam eluserat, ex P. Paulo abeunte hæc verba sibi occini audiiit: Vade intelix, nunquam tibi

in omni deinceps vita bene erit. Paulò post miserandus homo in amentiam incidit, & cùm aliquamdiu vagus hinc inde oberrasset, prope sepem aliquam Parmensi in ditione mortuus repertus est. In Genuensis Reipublicæ ditione Juvenis nonnemo, qui & ipse nullis artibus induci potuit ad veniam hosti dandam, post dies non multos mari se commisit ad merces quasdam suas aliò transvehendas: vix autem tantisper à littore profecta navis eversa est, misérque haustus aquis, quin ulla ratione opem illi ferre liceret.

§. XXVI.¹*Chartarum lusus sublatus.*

Post concordiam tam multiplicem in Sacris P. Pauli Expeditionibus stabilitam præcipua inter earundem effeta videtur numerandus sublatus lusus chartatum pictarum. Qui novit, quām grave vitium sit hic chartarum lusus, apud plebejam & inopem turbam maximè, quām multa exempla pessima, fraudes, furta, blasphemiae, perjuria, rixæ, cædes hinc nascantur, is probè intelliget, quid tandem tali de opere sit sentiendum. Cùm ultima Sacræ Expeditionis die canistra his foliis plena igne abolerentur, repente in aere terrible tonitru, & velut ruptæ nubis fragor auditus est: judicauit plerique, voluisse malum Dæmonem eo strepitu testari dolorem irāmque suam, quam ex consumptis igne tot flagitorum instrumentis conceperat. Cùm aliquando Pater perorare desisset, prodit in medium coram ingenti Populi multitudine nescio quis, & cum fasciculo foliorum ejusmodi: execrata hæc, clamavit, folia induxerunt in domum meam dissidia, perdiderunt inopem prolem